



**Claudii Fleurii Abbatis Historia Ecclesiastica**

Ab anno Christi 1549. usque ad annum 1551 - ... Atque Tabulis  
Chronologicis Ab Anno Christi 1000 Usque Ad 1595 ...

**Fleury, Claude**

**August. Vind. [u.a.], 1770**

**VD18 90118537**

§. 57. Ambasiani Cardinalis obitus.

---

[urn:nbn:de:hbz:466:1-66584](#)

genuo die trigesima prima Julii animam Sæcul. XVI.  
Deo reddidit, in sua Cathedrali Eccle- A.C. 1550.  
sia sepultus. Vulgabatur Venetis lite-  
ris quoddam hujus Cardinalis poema,  
cui titulus: *De raptu Helenæ.*

## §. LVII.

*Ambasiani Cardinalis obitus.*

**D**enique sextus inter eos, quos sacrum *Ciac. p. 707.*  
Purpuratorum Collegium hoc an- *Frixon, Au-*  
no luxit, erat Georgius de Ambasia *bery, Ughel,*  
natione Gallus, ac celebris Cardinalis *loc. c.*  
itidem Georgii de Ambasia Rothoma- *Sanmarth.*  
gensis Archiepiscopi, primique Franciæ  
Ministri Nepos. Is Patrem habuit Jo-  
annem de Ambasia Dinastam de Bussy  
Normanæ Provinciæ Proregem, Ma-  
trem vero Catharinam de sancto Belino,  
ex quorum connubio pariter procreati  
fuerant Godefredus Cluniacensis Ab-  
bas, Jacobus Ambasianus Dynasta, &  
Joannes Episcopus Lingonensis. Ha-  
buit Georgius jurisprudentiæ Magistrum  
percelebrem Philippum Decium, qui  
eidem suum *de rescriptis* commentarium  
nuncupabat. Primum ille fuit Ecclesiæ  
Rothomagensis Canonicus, postea The-  
saurarius, & Archidiaconus, Abbas Do-  
lensis, ac denique Rothomagensis Ar-  
chiepiscopus. Defuncto Patruo hujus  
urbis Archipræsule a capitulo Cathe-  
drall'

**Sæcul. XVI.** drali Anno Salutis millesimo quingen-  
A.C. 1550. tesimo decimo in Successorem postula-  
 tus veniam ætatis, cum non nisi vige-  
 sum tertium annum tunc ageret, a  
 Sedis Apostolicæ Legato obtinuit, ejus-  
 que postulatio Romæ in publico Purpura-  
 torum senatu confirmata fuit, ineunte au-  
 tem Mense Augusto Año post Christum na-  
 tum millesimo quingentesimo undeci-  
 mo admissus, hujus Archiepiscopalis  
 Ecclesiæ possessionem per Procuratorem  
 Mense Novembri nactus est, demum ve-  
 ro die undecima Decembris Anno Chri-  
 sti millesimo quingentesimo decimo ter-  
 tio Gallione inauguratus octavo post die  
 cum ingenti pompa in sua Ecclesia Cathe-  
 drali excipiebatur. Tandem ad Galliarum  
 Regis preces die decima sexta Decem-  
 bris Anno Domini millesimo quingen-  
 tesimo quadragesimo quinto a Paulo III.  
 purpura decoratus Cardinalis tit. SS.  
 Marcellini & Petri nominatus est: an-  
 no autem sequenti Cardinalitum pile-  
 um in Bituricensi Templo ad S. Steph-  
 anum recepit. Romam is venerat, cum  
 idem hic Pontifex vivis eriperetur,  
 ubi interfuit comitiis, in quibus Julius  
 III. creabatur. Celebravit insuper Ro-  
 thomagi Anno Salvatoris millesimo  
 quingentesimo decimo quarto Provin-  
 ciale Concilium, necnon in reparanda  
 atque ornanda Ecclesia sua ingentes  
 pro-

profudit expensas. Obiit in eadem Diœcesi sua die vigesima quinta Mensis Augusti hoc anno reparatæ salutis millesimo quingentesimo quinquagesimo, & ejus cor Pontifaro in Franciscanorum coenobio depositum, corpusque in Ecclesia Rothomagensi haud procul ab Altari majori in Patrui sui tumulo conditum fuit.

Sæcul. XVI.  
A.C. 1550.

### §. LVIII.

#### *Mors & Historia S. Joannis de Deo.*

Eodem hoc anno mortalitatem exuit Rayn. ad an. sanctus Joannes de Deo sacræ Familiæ ab Hospitalitate nuncupatæ Fundator. Natus is erat die octava Martii Anno Christi millesimo quadringentesimo nonagesimo quinto ex parentibus pauperibus, ac ignobili genere ortis Montemajoronavi, quod exiguum quidem Lusitaniae oppidum, Comitatus tamen titulo insignitum in Alenteiana Provincia Eboriensis Diœcesis situm est. Educabatur Joannes a suo Patre nomine Andrea Ciudadado, ejusque Matre, cuius nomen ignoratur, in assiduo pietatis exercitio usque ad octavum, vel circiter nonum ætatis annum, quo juvenis a quodam incognito Sacerdote, quem parentes in sua domo hospitio